

續修廬州府志卷三十三

花翎道銜江南安徽廬州府知府清泉黃 雲總修

宦績傳一

爲鄉先正爲時名臣各有建樹入仕揚仁敘述以次依事具陳用輝志乘武奮文斌

漢

朱邑字仲卿廬江舒人也少時爲舒桐鄉嗇夫廉平不苛以愛利爲行未嘗笞辱人存問耆老孤寡遇之有恩吏民愛敬遷補太守卒吏舉賢良爲大司農丞遷北海太守以治行第一入爲大司農爲人醇厚篤於故舊然性公正不可交以私天子器之朝廷敬焉是時張敞爲

續修廬州府志

卷三十三

宦績傳一

一

膠東相與邑書曰明主游心太古廣延茂士此誠忠臣竭思之時也直做遠守劇郡馭於繩墨胸臆約結固亡奇也雖有亦安所施足下以清明之德掌周稷之業猶饑者甘糟糠穰歲餘粱肉何則有亡之勢異也昔陳平雖賢須魏倩而後進韓信雖奇賴蕭公而後信故事各達其時之英俊若必伊尹呂望而後薦之則此人不因足下而進矣邑感敞言貢薦賢士大夫多得其助身爲列卿居處儉節祿賜以共九族鄉黨家亡餘財神爵元年卒天子憫惜下詔稱揚曰大司農邑廉潔守節退食自公亡疆外之交束脩之餽可謂淑人君子遭離凶災朕甚憫之其賜邑子黃金百斤以奉其祭祀初邑病且



死屬其子曰我故爲桐鄉吏其民愛我必葬我桐鄉後世子孫奉嘗我不如桐鄉民及死其子葬之桐鄉西郭外民果然共爲邑起冢立祠歲時祠祭至今不絕

漢書

周榮字平生廬江舒人也肅宗時舉明經辟司徒袁安府安數與論議甚器之及安舉奏竇景與竇憲爭立北單于事皆榮所具草竇氏客太尉掾徐齮脅榮曰子爲袁公排奏竇氏竇氏悍士刺客滿城中謹備之矣榮曰榮江淮孤生蒙先帝大恩以歷宰二城今復得備宰士縱爲竇氏所害誠所甘心故常敕妻子若卒遇飛禍無得殯斂冀以區區腐身覺悟朝廷及竇氏敗榮由此顯名自鄆令擢爲尙書令出爲潁川山陽太守所歷郡縣

皆見稱紀以老病乞身卒於家詔特賜錢二十萬除子興爲郎中興子景字仲饗辟大將軍梁冀府稍遷豫州刺史河內太守好賢愛士拔才薦善常恐不及入爲將作大匠拜尙書令遷太僕衛尉代劉寵爲司空是時宦官任人及子弟充塞列位景初視事與太尉楊秉舉奏諸姦猶自將軍牧守以下免者五十餘人遂連及中常侍防東陽侯覽東武陽侯具瑗皆坐黜朝廷莫不稱之視事二年以地震策免歲餘復代陳蕃爲太尉建甯元年薨以豫議定策立靈帝追封安陽鄉侯長子崇嗣至甘陵相中子忠累遷大司農後代皇甫嵩爲太尉錄尙書事以災異免復爲衛尉從獻帝東歸洛陽

後漢書



五代

高勛舒城人太祖起淮南辟掌書記時軍興事繁用度不足太祖欲以茶鹽易民布帛勛諫曰兵火之餘十室九空又漁利以困之將復離叛不若盡我所有易鄰道所無足以給軍選賢守令勸農桑數年之間倉庫自實太祖以其言為然悉從之田頔聞之曰仁人之言其利溥矣正勛之謂也

十國春秋 吳列傳

王潛廬州人初居太祖幕府及事高祖歷官左司郎中典選事時喪亂之後官失其序甲簿湮落潛雍容欵接坐客常滿隨才而使人人自以為得徐知誥為相掄選有序潛之力也

十國春秋 吳列傳

續修廬州府志

卷三十三

宦績傳一

三

宋

馬亮字叔明廬州合肥人舉進士為大理評事知蕪湖縣再遷殿中丞通判常州吏民有因緣亡失官錢籍其貲猶不足以償妻子連逮者至數百人亮縱去緩與之期不踰月盡輸所負羅處約使江東以亮治行聞擢知濮州會諸路轉運司置糾察刑獄官以福建路命亮覆訊冤獄全活者數十人遷太常博士知福州蘇易簡薦亮才任繁劇召還同提點三司都勾院磨勘憑由司久之出知饒州州豪白氏多執吏短長嘗殺人以赦免愈驚橫為閭里患亮發其奸誅之部中畏懾州有鑄錢監匠多而銅錫不給亮請分其工之半別置監於池州歲



增繕錢十萬遷殿中侍御史真宗卽位上書言陛下初政軍賞宜速而所在不時給請遣使分督之又赦書蠲除州縣逋負而有司趣責愈急宜如赦推恩以寬民故事以親王尹開封地尊勢重嫌隙易生願鑑其繇以示保全親愛之道契丹仍歲南侵河朔蕭然請修好以息邊民帝善其言以亮爲可用王均反以爲西川轉運副使賊平主將邀功誅殺不已亮全活千餘人城中米斗千錢亮出廩米裁其價人賴以濟召問蜀事會械送賊誑誤者八十九人至闕下執政欲盡誅之亮曰愚民脅從此特百之一二餘竄伏山林者衆今不貸之反側之人聞風疑懼一唱再起是滅一均生一均也帝悟悉宥

之加直史館復遣還部時諸州鹽井歲久泉涸而官督所負課繫捕者州數百人亮盡釋繫者而奏廢其井又除屬部舊逋官物二百餘萬還知潭州屬縣有亡命卒剽攻爲鄉閭患人共謀殺之事覺法當死者四人亮咸貸之曰爲民去害而反坐以死罪非法意也徙昇州行次江州屬歲旱民饑湖湘漕米數十舟適至亮移文守將發以賑貧民因奏瀕江諸郡皆大歉而吏不之救願罷官糴令民轉粟以相賙以右諫議大夫知廣州時宜州陳進初平而澄海兵從進反者家屬二百餘人法當配隸亮悉置不問鹽戶逋課質其妻子於富室悉取以還其家海舶久不至使招來之明年至者倍其初珍貨



大集朝廷遣中使賜宴以勞之。歷知虔洪二州。江陵府再遷尙書工部侍郎。復知昇州。徙杭州。加集賢院學士。先是江濤大溢。調兵築隄。而工未就。詔問所以。捍江之策。亮衷詔。禱伍員祠。下明日潮爲之卻。出橫沙數里。隄遂成。入爲御史中丞。建言士民父祖未葬而析居。請自今未葬者毋得輒析。明年改兵部侍郎。知廬州。徙江陵。又徙江甯府。仁宗初。拜尙書右丞。復知廬州。召判尙書都省。兼知審刑院。遷工部尙書。知亳州。又遷江甯府。以太子少保致仕。卒。贈尙書右僕射。諡忠肅。子仲甫。宋史馬仲甫字子山。太子少保亮之子也。舉進士。知登封縣。轅轅道險。戾遂傭民鑿平爲坦途。人便其行。爲刻石頌。

美通判趙州。知台州。爲度支判官。內侍楊永德言漕舟淮汴間。惟水遞舖爲便。詔仲甫偕往。訂可否。還言其害十餘條。議遂格出。爲夔路轉運使。歲饑。盜粟者當論死。仲甫請罪減一等。詔須奏。裁復言饑羸拘囚。比得報死矣。請決。而後奏。徙使淮南。眞揚諸州地狹。出米少。官糴之多。價常踊。登濱江米狼戾。而民無所售。仲甫請移粟以舒其患。兩益於民。從之。遂繇戶部判官。爲發運使。自淮陰徑泗上。浮長淮。風波覆舟。歲罹其患。仲甫建議鑿洪澤渠六十里。漕者便之。拜天章閣待制。知瀛州。秦州。古渭介有唐之南。夏人在其北。中通一徑。小警則路絕。仲甫得筆粟城故址。自雞川砦築堡。北抵南谷。環數百



里爲內地詔賜名甘谷堡故事羌人入城貿易皆僦邸  
仲甫設館處之陽示禮厚實閑之也熙甯初守亳許揚  
三州糾察在京刑獄知通進銀臺司復爲揚州提舉崇

禧觀卒

宋史馬亮傳

包令儀字肅之進士及第授朝散大夫行尙書虞部員  
外郎分帥南京上護軍贈刑部侍郎子拯

明隆慶志

包拯字希仁廬州合肥人也始舉進士除大理評事出  
知建昌縣以父母皆老辭不就得監和州稅父母又不  
欲行拯卽解官歸養後數年親繼亡拯廬墓終喪猶徘徊  
不忍去里中父老數來勸勉久之赴調知天長縣有  
訴盜割牛舌者拯曰第殺而鬻之俄有告私殺牛者拯

續修廬州府志

卷三十三

宦績傳一

六

曰何爲割牛舌而又告之盜驚服徙知端州遷殿中丞  
端土產硯前守緣貢率取數十倍以遺權貴拯命製者  
才足貢數歲滿不持一硯歸尋拜監察御史裏行改監  
察御史時張堯佐除節度宣撫兩使右司諫張擇行唐  
介與拯共論之語甚切又嘗建言曰國家歲賂契丹非  
禦戎之策宜練兵選將務實邊備又請重門下封駁之  
制又廢錮賊吏選守宰行考試補蔭弟子之法當時諸  
道轉運加按察使其奏劾官吏多撫細故務苛察相高  
尙吏不自安拯於是請罷按察使使契丹契丹令典客  
謂拯曰雄州新開便門乃欲誘我反人以刺疆事耶拯  
曰涿州亦嘗開門矣刺疆事何必開便門哉其人遂無



以對歷三司戶部判官出爲京東轉運使改尙書工部  
員外郎直集賢院徙陝西又徙河北入爲三司戶部副  
使秦隴斜谷務造船材木率課取於民又七州出賦河  
橋竹索恆數十萬拯皆奏罷之契丹聚兵近塞邊郡稍  
警命拯往河北調發軍食拯曰漳河沃壤人不得耕邢  
洺趙三州民田萬五千頃率用牧馬請悉以賦民從之  
解州鹽法率病民拯往經度之請一切通商販除天章  
閣待制知諫院數論斥權倖大臣請罷一切內除曲恩  
又列上唐魏鄭公三疏願置之坐右以爲龜鑑又上言  
天子當明聽納辨朋黨惜人才不主先入之說凡七事  
請去刻薄抑僥倖正刑明禁戒興作禁妖妄朝廷多施

行之除龍圖閣直學士河北都轉運使嘗建議無事時  
徙兵內地不報至是請罷河北屯兵分之河南宛鄆齊  
濮曹濟諸郡設有警無後期之憂借曰戎兵不可遽減  
請訓練義勇少給餼糧每歲之費不當屯兵一月之用  
一州之賦則所給者多矣不報徙知瀛州諸州以公錢  
貿易積歲所負十餘萬悉奏除之以喪子乞便郡知揚  
州徙廬州遷刑部郎中坐失保任左授兵部員外郎知  
池州復官徙江甯府召權知開封府遷右司郎中拯立  
朝剛毅貴賤宦官爲之斂手聞者皆憚之人以包公笑  
比黃河清童稚婦女亦知其名呼曰包待制京師爲之  
語曰關節不到有閻羅包老舊制凡訟訴不得徑造庭



下拯開正門使得至前陳曲直吏不敢欺中官勢族築園榭侵惠民河以至河塞不通適京師大水拯乃悉毀去或持地券自言有偽增步數者皆審驗劾奏之遷諫議大夫權御史中丞奏曰東宮虛位日久天下以爲憂陛下持久不決何也仁宗曰卿欲誰立拯曰臣不才備位乞豫建太子者爲宗廟萬世計也陛下問臣欲誰立是疑臣也臣年七十且無子非邀福者帝喜曰徐當議之請裁抑內侍減節冗費條責諸路監司御史府得自舉屬官減一歲休暇日事皆施行以樞密直學士權三司使凡諸筦庫供上物舊皆科率外郡積以困民拯特爲置場和市民得無擾吏負錢帛多縲繫問輒逃去并

械其妻子者類皆釋之遷給事中爲三司使數日拜樞密副使頃之遷禮部侍郎辭不受尋以疾卒年六十四贈禮部尙書諡孝肅拯性峭直惡吏苛刻務使敦厚雖甚嫉惡而未嘗不推以忠厚也與人不苟合不僞辭悅人平居無私書故人親黨皆絕之雖貴衣服器用飲食如布衣時常曰後世子孫仕宦有犯贓者不得放歸本家死不得葬大塋中不從吾志非吾子若孫也初有子名縉娶崔氏通判潭州卒崔守死不更嫁拯嘗出其媵在父母家生子崔密撫其母使謹視之縉死後取媵子歸名曰縉有奏議十五卷

宋史

包縉樞密副使拯長子奉議郎潭州通判政肅民安號



稱善治贈太常太祝

明隆慶志

鍾離瑾字公瑜廬州合肥人舉進士爲簡州推官以殿中丞通判益州建言州郡旣上雨後雖凶旱多隱之以成前奏請令監司劾其不實者擢開封府推官出提點兩浙刑獄衢潤州饑聚餓者食之頗廢農作請發米二萬斛賑給家毋過一斛後徙淮南轉運副使歷京西河東河北轉運使改江淮制置發運使殿直王乙者請自揚州召伯埭東至瓜州濬河百二十里以廢二埭詔瑾規度以工大不可就止置牖召伯埭旁人以爲利屢遷尚書刑部郎中爲三司戶部副使除龍圖閣待制權知開封府未踰月得疾仁宗封藥賜之使未及門而卒

宋史

續修廬州府志

卷三十三

宦績傳一

九

茹孝標舒城人天聖中進士少負氣節好學不倦吏治有聲仕至都官員外郎出知江州

江南通志

雙漸無爲人慶歷進士博學能文爲職方郎嘗知同州以和易爲政所至見思

明隆慶志

張肅廬江人仕廣東轉運判官以直諒稱後爲江東提點刑獄自司馬光而下七十有四人分韻作詩以贈其行皆一時名流官終都官其後三世登第

明崇禎志

楊察字隱甫其先晉人從唐僖宗入蜀家於成都至祖鈞從孟昶歸朝生居簡仕真宗時至尚書都官員外郎嘗官廬州遂爲合肥人居簡生察景祐元年舉進士甲科除將作監丞歷江南東路轉運使屬吏以察年少易



之及行部數擿奸隱眾始畏伏察在部專以舉官爲急  
務人或議之察曰此按察職也苟掎拾羨餘則俗吏之  
能何必我哉召爲右正言知制誥權判禮部貢院時上  
封者請罷有司糊名考士及變文格使爲放軼以襲唐  
體察以謂防禁一潰則奔競復起且文無今昔惟以體  
要爲宗若肆其澶漫亦非唐氏科選之法議遂寢晏殊  
執政以妻父嫌換龍圖閣待制拜翰林學士權知開封  
府擢右諫議大夫權御史中丞會詔舉御史建言臺屬  
供奉殿中巡糾不法必得通古今治亂良直之臣今舉  
格太密坐細故皆置不取恐英偉之士或有所遺御史  
何郊以論事不得實中書問狀察言御史故事許風聞

今以疑似遽被詰問非所以廣言路也又數以言事忤  
宰相罷知信州徙揚州復爲翰林侍讀學士又兼龍圖  
閣學士知永興軍加端明殿學士知益州再遷禮部侍  
郎權知開封府復兼翰林學士權三司使內侍楊承德  
毀察於帝察乞罷三司乃遷戶部侍郎兼三學士提舉  
集禧觀進承旨踰年復充三司使卒贈禮部尚書謚宣  
懿察美丰儀幼七歲始能言母頗知書嘗自教之敏於  
屬文爲制誥雅緻有體遇事明決勤於吏職有文集二  
十卷無子以兄子庶爲嗣

宋史

賈易字明叔無爲人七歲而孤母以紡績自給使從學  
年踰冠中進士甲科調常州司法參軍歲議獄唯求合



於人情訖去郡中稱平元祐初爲太常丞兵部員外郎  
遷左司諫論呂陶不爭張舜民事與陶交攻遂劾陶黨  
附蘇軾兄弟併及文彥博范純仁宣仁后怒其訐欲摘  
之呂公著救之力出知懷州御史言其謝表文過徙廣  
德軍明年提點江東刑獄召拜殿中侍御史遂疏彥博  
至和建儲之議爲不然宣仁后命付史館彥博不自安  
竟解平章重事而去蘇轍爲中丞易引前嫌求避改度  
支員外郎孫升以爲左遷又改國子司業不拜提點淮  
東刑獄復入爲侍御史上書言天下大勢可畏者五一  
曰上下相蒙而毀譽不得其眞故人主聰明壅蔽下情  
不得上達邪正無分而君子之道日消小人之黨日進

二曰政事苟且而官人不任其責故治道不成萬事墮  
廢惡吏市姦而自得良民受弊而無告愁歎不平之氣  
充溢宇宙以干陰陽之和三曰經費不充而生財不得  
其道故公私困敝無及時豫備之計衣食之源日蹙無  
事之時尙猶有患不幸倉卒多事則狼狽窮迫而禍敗  
至矣四曰人材廢闕而教養不以其方故士君子無可  
用之力而愚不肖充軔於朝汗合苟容之俗滋長背上  
欺君之風益扇士氣浸弱將誰與立太平之基五曰刑  
賞失中而人心不知所尙故以非爲是以黑爲白更相  
欺惑以罔其上爵之以高祿而不加勸僇之以顯罰而  
不加懼徼利苟免之姦冒貨犯義之俗將何所不有然



則欲知毀譽真偽之情則莫若明日達聰使下無壅蔽  
之患欲官人皆任其責則莫若詢事考言循名責實欲  
生財不逆其道則莫若敦本業而抑末作崇儉約而戒  
奢僭欲教養以其方則莫若廣詳延之路厲廉恥之節  
使公卿大夫各舉所知召對延問以觀其能否善者用  
之不善者罷之欲人心皆知所向則莫若賞以勸善刑  
以懲惡不以親疏貴賤爲之輕重則民志一定而放僻  
邪侈不爲矣其言頗切直出知宣州累謫保靜軍行軍  
司馬邵州安置徽宗立召爲太常少卿進右諫議大夫  
改刑部侍郎歷工部吏部以寶文閣待制知鄧州卒年

七十三

宋史

續修廬州府志

卷三十三

宦績傳一

十一

張徵字新仲舒城人博學工文辭世稱奇士建炎三年  
爲御史中丞上疏劾黃潛善汪伯彥大罪二十條未幾  
除守尙書右丞罷知江州以資政殿學士兼江東湖北  
制置使甲申謫授秘書少監分司西京居衡州別號澹  
巖居士見宋學士文集

明崇禎志

王縮合肥人紹興初爲淮西路提點刑獄有平反之頌

康熙志

陳相合肥人紹興末爲吏部侍郎有賢能聲

明隆慶志

束元嘉合肥人調通城主簿毀淫詞正風俗攝縣令以  
政最聞後知秦州歲饑賑濟有法全活甚眾累官樞密  
都承旨引老歸年九十猶課諸孫至夜分不倦

明隆慶志



王藺字謙仲廬江人乾道五年擢進士第爲信州上饒主簿鄂州教授四川宣撫司幹辦公事除武學諭孝宗幸學藺迎法駕立道周上目而異之命小黃門問知姓名由是簡記遷樞密院編修官輪對奏五事讀未竟上喜見顏色明日諭輔臣曰王藺敢言宜加獎擢除宗正丞尋出守舒州陞辭奏疏數條皆極言時事之未得其正者上曰卿議論峭直尋出手詔王藺鯁直敢言除監察御史一日上袖出幅紙賜之曰比覽陸贄奏議所陳深切今日之政恐有如德宗之弊者可思朕之闕失條陳來上藺卽對曰德宗之失在於自用遂非疑天下士退卽上疏陳德宗之弊并及时政闕失上嘉納之遷起

居舍人言朝廷除授失當臺諫不悉舉職給舍始廢繳駁內官醫官藥官賜予之多遷轉之易可不思警懼而正之乎上竦然曰非卿言朕皆不聞磊磊落落惟卿一人除禮部侍郎兼吏部嘗因手詔謀選監司欲得剛正如卿者可舉數人卽奏舉潘時鄭矯林大中等八人乞擢用光宗卽位遷知樞密院事兼參政拜樞密使光宗初政精勵藺亦不存形迹除目或自中出未愜人心者輒留之納諸御座或議建皇后家廟力爭以爲不可因應詔上疏願陛下先定聖志條列八事疏入不報中丞何澹論之以罷去後領祠帥江陵甯宗卽位改帥湖南臺臣論罷歸里奉祠七年薨藺盡言無隱然嫉惡太甚



同列多忌之竟以不合去有奏議傳於世宋史

王栒字叔永無為州人嘉定間知涇縣事歲有水患栒改建縣治於舊治之東二里劉村邑人永享其利著有

燕翼貽謀五卷言一代之典制頗詳州志

元

況達廬江人少讀書有用世志泰定末為光澤令下車日邑中富豪素為長吏信憚者悉不聽入謁獨延見諸生與講學建雲巖書院為高安令平反冤獄民為立碑

以志去思康熙志

晁顯字顯卿巢縣人其先鄆城人文元公裔泰定丙寅為平江路總管人不敢干以私康熙志

續修廬州府志

卷三十三

宦績傳一

十四

秦天祐舒城人性孝友嚴重初任本縣丞勸農恤孤不事鞭扑人皆敬畏遷六安州知州值地方多寇天祐與許榮悉力保障眾賴以甯明初徵赴京命加以職辭不

受康熙志

明

蔡美字世宣廬州人洪武初知績溪縣縣南有田千餘畝旱則無獲美召耆老相視水源於上三里乳溪口鑿石築碣引水灌田遂得常稔南畿志

張遇林廬州人洪武元年知泰州創官署興學勸農修

復橋梁坊表士民懷之泰州志

唐宗義廬州人洪武三年任揭陽知縣見吏胥里甲多



羅獄具愀然問曰爾等何至此耶各白其故因諭以釋  
之歷政三年徭均訟簡民懷其惠陞廣東都司斷事

廣東

通志

潘稹字景徵廬州人天順庚辰進士由監察御史擢福  
建按察副使明慎果斷獄無冤滯福甯產銀礦先是輸  
課者加耗息至千因發其奸而以補他課之逋擢四川

按察使

福建通志

朱賢字從善廬州人天順庚辰進士擢監察御史成化  
間按閩操履端方不避權勢

福建通志

蔚綬字文璽合肥人洪武中由國子生授戶部主事進  
員外郎以才能擢山西布政使叅議永樂間召拜禮部

續修廬州府志

卷三十三

宦績傳一

十五

侍郎綬秉心淳實履行端方爵秩愈優而恭勤愈著宣  
德初以禮部尚書致仕卒賜祭葬祀鄉賢

康熙志

孫鎮字希武合肥人洪武中諸生以經明行修卒業太  
學除戶部主事通敏練達有聲郎署時上以課程事罪

部官鎮抗言謂不宜連坐恐傷國體忤旨戍滇南己卯  
春用廷臣郭資等薦復職應制賦禁柳詩稱旨拜衛輝  
知府毀淫祠撤浮屠興學課士教民樹畜驅蝗禱雨神  
率效靈壬午靖難兵起衛輝當南北之衝鎮夙夜防衛  
堅守不下成祖登極以抗節不附者置之法遣戍山海  
宣德初御史王紹首薦赦回除上饒丞不就卒於京邸  
別號冲元子所著有冲元稿後鄭曉作遜國諸臣列傳



備錄其事

康熙志

孔立合肥人洪武初知象山事歸附之初百廢未興立秉心廉直庶事以漸修舉時夏蘭秀寇境民甚駭懼遂謀於邑民蔣公直設策馘其渠魁餘黨悉平他若息虎患弭旱災皆德化所感邑人推善政必稱首焉

明崇禎志

蕭敏合肥人由邑庠舉洪武乙丑進士授監察御史以風節著

明崇禎志

程嘉貞以字行合肥人洪武初被薦為中書省都事蹇諤有骨鯁風丞相徐達開省南服引以自助擢執法諫議官六年授江西按察司僉事行部興安暇即謁文廟過紫陽精舍徘徊久之油然有景仰之思嘉貞以文學

續修廬州府志

卷三十三

宦績傳一

六

稱俗吏之事所不屑為

康熙志

文景宗合肥人明初授婺源州同知陞徐州知州廉介有守時天下初定招徠賑貸勸督農桑民以得生擢守濟南卒徐人立祠祀之子箠以廉幹薦任潛江令改平

江

康熙志

楊偁字廷舉合肥人太祖取太平以偁知蕪湖縣首詢疾苦興利除害招徠遺黎撫摩凋瘵建縣治立坊倉以

治稱

南畿志

王俊字大用合肥人洪武五年任雲南前衛指揮使二十二年陞都指揮同知調廣南衛適儂真佑叛帥眾攻之傾其穴擒真佑以獻斬首數千級獲輜畜無算築城



設衛而還永樂初以入賀陞都指揮使賜文綺犀帶在任三十餘年戎事無巨細多所總理雲南通志

龍源合肥人少警敏力學永樂初預修大典授工科給事中親喪家居見民牧不良即聞於朝其人賂當道誣之遂罷歸江南通志

方正合肥人永樂初徵修大典入太學授工部主事時建北都督工規畫有條由屯田郎擢江西叅政平峒賊遷福建布政使江南通志

張啟字伯起合肥人永樂中貢入太學除廣東道監察御史扈從北征軍令嚴肅凱旋有金牌鏹幣之賜監閩延平府銀屏山務歲輸外不染一毫擢陝西按察司僉

續修廬州府志

卷三十三

宦績傳一

七

事政尚平恕務存大體因被誣左遷令廣平怡然抵任勸農興學惠愛覃敷復官僉事致仕子鎰鎰子淳康熙志王憲合肥人永樂辛丑進士官御史性峭直彈劾無所忌擢山東副使鎮遼東叅贊機務邊境肅然進貴州廉

使康熙志

吳鎰合肥人宣德丁未進士官御史剛正不阿嘗乘花馬京師爲之語曰花馬吳猶古所謂驄馬云陞南陽知

府康熙志

余斌合肥人宣德中爲定海衛指揮使建義學延師儒令軍民子弟咸肄業焉暇則躬詣考閱而激勵之自撰公勤廉謹四銘書於廳事以自勵城南海山有大浹渡



常覆舟溺人爲文祭之後遂無患調處州陞浙江都指

揮僉事浙江通志

操欽合肥人正統中爲辰州府推官廉介不畏強禦豪

右畏服民多德之湖南通志

方杲字景輝合肥人正子正統乙丑進士授兵部主事

以廉平稱己己兵警奉敕取戰馬於南京還升員外郎

上時務十二事剴切有資治體少保于謙嘗曰方郎通

敏練達有用之材也尋遘疾卒年三十三康熙志

沈謫合肥人景泰甲戌進士歷部郎知東昌府政尙嚴

明常祿外不名一錢折獄明允銓部考核天下廉能官

注第一江南通志

續修廬州府志 卷三十三 宦績傳一 六

郭鎡合肥人襲彭城衛指揮使成化初以從征荔浦功

進都指揮僉事中武舉遷同知宏治中擢總漕運沈毅

有智畧凡軍民利病必陳於朝嘗濬通州河置壩令淺

船搬運歲省白金數萬孝宗時朝政整肅文武大臣率

得人鎡管漕十三年不易正德初始召佐後府尋卒明史

王信傳

吳凱合肥人成化壬辰進士擢兵科左給事中詳封駁

善敷奏動存大體承旨覆邊儲罷武弁不職者四百餘

員仕至廣東少叅江南通志

張涓合肥人成化丁未進士令瀏陽糧長侵賦鉅萬涓

以至誠勸諭並感泣輸完擢御史按貴州用計擒賊渠



餘黨五十九寨悉就撫轉吉安知府多善政民爲立祠  
累遷至副都御史

江南通志

周琥合肥人宏治壬子舉人司理撫州陞通判時宸濠  
反江西橫行剽掠撫守懼稱病不視事委琥代攝濠遣  
卒收郡印琥曰朝廷名器誰敢取又誰敢與竟獲保全  
王守仁令琥督運餉贊兵事勞瘁不起深爲痛惜命有  
司厚卹護其喪歸

康熙志

蔚春合肥人宏治癸丑進士任兵科給事中陳時政八  
事邊務七事咸見施行叅議福建叅政廣西以鯁介爲  
忌者中傷乞歸

江南通志

孔彪字世奇合肥人中宏治戊午鄉試知東阿清平陽

續修廬州府志

卷三十三

宦績傳一

五

穀三縣並著賢聲遷知沁州歸日惟以書史自娛爲當

途所重

康熙志

楊欽字敬之合肥人宏治壬戌進士太宰馬文升重其  
器識授戶部主事監度支平斛面清部卒倉塲肅清疏  
論錢弊通商貨戍玩法攬頭數十人上采納之陞兵部  
車駕郎中在部不阿權貴裁抑私符條陳邊事甚爲大  
司馬劉大夏倚任尋丁外艱服闋補刑部擢光祿少卿  
守正杜私與時齟齬竟十年不調嘉靖乙酉冢宰東光  
廖立歎曰楊君廉吏也薦爲太僕少卿晉鴻臚卿卒於

官

明崇禎志

沈俊字人傑合肥人正德辛未進士知萊陽縣賦役繁



重俊極力湔刷政教漸興拜監察御史性渾樸不事矯飾按山西湖廣所至老成持重動合憲體卒山東叅議子孫貧寒至不能自存

康熙志

方鐸字廷論合肥人正德甲戌進士知武康縣潔己愛

民政平訟簡吏民悅服

浙江通志

孫昱字世輝合肥人鄉賢鎮之裔也正德中以貢授崇陽訓導日夕坐齋中教士不一至縣衙守令以是特優

禮之閱六年賦歸

康熙志

方介字子和合肥人嘉靖乙未進士尹義烏黃巖陞高州同知進工部郎中陞處州知府所至以廉著性鯁介

有古循吏風

明隆慶志

續修廬州府志

卷三十三

宦績傳一

二十

董子策字霞峯合肥人嘉靖戊戌進士以戶部郎視權許墅關商舶輻輳乃就關傍別開支河令曰凡舡艦可出此橋者聽商民德之強仕乞休絕意通顯嘉靖末進廣東按察司僉事辭之林居四十餘年著述甚富遠近丐其文或不時應率敦請至再里中遇難得之物輒作諺語相詫曰豈求董進士文耶晚年施予無算人以田產售倍價不少靳曰令貪者心折耳

康熙志

秦寵字巽齋合肥人嘉靖乙卯舉人任荊州同知楚撫王世貞獎其才能列首薦陞本府知府轉廣西副使清

風兩袖卧田園以壽終

康熙志

黎鵬舉合肥人嘉靖中任福建北路叅將破倭福甯衝



沈其舟獲潘若海江一峰二酋泉寇悉定福建通志

萬振孫字性儒合肥人嘉靖壬戌進士服官剛正自部

郎知襄陽府舉覈屬令贓過雖賄監司為解不釋也陞

副楚臬礦使縱橫振孫捕其爪牙立斃之以忤旨削籍

起廣東叅政未就卒江南通志

趙元吉字慎所合肥人萬曆乙未進士工部員外郎出

知建昌府以骯髒忤俗致仕康熙志

龔承先字元鑑合肥人先世為豫章人承先家貧力學

領萬曆癸卯鄉薦知浙江分水縣有惠政陞祿勸州知

州乞歸卜築城西令諸子姪講學其中後以孫鼎孳贈

兵部尚書卒祀鄉賢子萃肅進士授吉安推官部注清

續修廬州府志 卷三十三 宦績傳一 三

官第一擢御史論邊督張我續貪冒之罪白知州汪心

淵守徐之功糾袁崇煥之壞疆場舉方震孺之有才品

頗為舉職差長蘆巡鹽內陞太僕寺少卿萃肅子井權

原名鼎蕃次鼎英舉人官戶部主事詩文俱有稱康熙志

竇子偁字燕雲合肥人萬曆壬辰進士授大理評事抗

疏請建儲董上谷餉進羨金六萬賜金褒異守泉州課

最督學湖廣注廉明第一觀察浙江遷福建布政使所

在士民尸祝焉以與中丞不協挂冠歸世稱淮南先生

祀鄉賢康熙志

徐起元字長民合肥人居遼東中萬曆壬子順天鄉試

質譜系於廬人徐氏始知其為肥人也官鄖陽同知陞



知府時楚寇充斥元隨機勦御境內以安超升鄖陽巡

撫康熙志

許如蘭字湘畹合肥人萬曆丙辰進士知光州遷工部  
郎中知紹興舉卓異備兵密雲轉蒲州道密人請留未  
赴旋命撫薊再撫廣西折悍藩平普莫二賊進副都御

史江南通志

王性合肥人歲貢萬曆間知欽州賦性剛決不避權貴  
時內監採珠索用具甚急力沮獲免民賴之又值猺賊  
犯境性提兵履險搗其巢穴賊平境內始安功狀紀錄

廣東通志

徐繼芳合肥人萬曆中知益陽縣值大旱繼以疫癘繼

續修廬州府志

卷三十三

宦績傳一

三

芳停征已責步行祈禱以勞疾卒官

湖南通志

沈緯字文園合肥人由鄉舉任順天府宛平縣知縣有

救荒弭盜諸善政宛邑紳耆勒石以誌宛平縣志

胡志藩字屏玉合肥人天啟乙丑進士授中書舍人先

是郡中馬驛係肥舒廬無六州縣協濟後獨累肥民為

重困志藩具疏言州縣苦樂不均奉旨下部議者再卒

見俞允自是僉點僱募五屬俱得其平其為德於鄉者

甚大入御史臺按宣大驕將悍卒靡不懾服卒於官康熙志

志

李蘧字二則合肥人天啟丁卯舉人直指使重其才疏  
薦之敘城守功下部紀錄入南都授中書舍人加職方



郎中管章奏閣部史可法具題加銜順治初起補未仕

蘧原名當泰

康熙志

吳士講字心啟合肥人崇禎辛未進士授南兵部車駕司以員外郎出知大名府復補開封府有惠政汴人德之李自成攻圍歲餘城中食盡府署後有石榴一株諸生請太守鋸屑分散食之饑困如此尙從周藩協力死守城得暫完河決後乘桴以出敘功陞下川南道

康熙志

蔡淑達字雲衢合肥人少與叔父悉究極性命之旨遭母喪三年哀慕如一日萬曆癸未成進士丙戌授上虞令久之調湖廣襄陽攝襄陽府符遷陝西商南令竭心撫字招集流移多方開墾興文釐弊有循良名時權璫

續修廬州府志

卷三十三

宦績傳一

三

趙梁以派礦爲秦中害達請命於上派稅特輕六年轉戶部郎督捕口糧宿弊一清督龍江關稅冰清自矢綜理精密出守廣西南甯府時黎寇竊發徵遣兵所過如埽乃豐其委積遣之仍嚴部處使不得橫有兵奪商人舟淑達置之法晉滇南按察副使權布政司事以清儉先察案奉上勅督理糧儲管鹽法以課資竈戶均其徭役禁有司不得擾而額課用饒歸以積勞成疾卒

縣志

高麟游字泰符合肥人選舉入辟雍授廣西靈川令歷任州縣以年勞遷慶陽東路同知廿載冰蘖端方廉靜捐資助城守尤有功焉

康熙志

李懋修字成章合肥人崇禎初歲貢性英爽遇事敢言



凡邑中田賦徭役廩餼之屬有未協者片語折之事罷  
毫無圭角庚午司訓蒙川遷真陽教諭署上蔡縣事歸

隱於北泉

康熙志

程宗道舒城人洪武三年知平定州建州署學校壇廟

郵舍撫綏凋瘵民有起色

一統志山西名宦

秦鳳字子儀舒城人建文庚辰進士知興山縣有賢能  
聲擢給事中陞郎中以言事改衛輝府同知卒於官持  
守清約人無遺論所撰有永樂太平歌白玉禎祥詩營  
建宮闕賦洪熙輔政策二十五道進呈者高岡遺稿藏  
於家以孫民悅貴贈兵部尚書

康熙志

商盤舒城人由楷書任御史歷浙江按察司僉事操履

續修廬州府志

卷三十三

宦績傳一

二

清約人不敢干以私

康熙志

鄭泰字景暘舒城人端敏有器量永樂辛丑進士任給  
事中讜言動眾進都給事中超補刑部侍郎璽書褒異  
天順初遷吏部左侍郎卒賜祭葬

康熙志

胡珉字文佩舒城人正統壬戌進士戶部主事簡直清  
約當路惡其戇調判河南衛輝府引疾歸復以薦出終  
漳州府同知葉鸞鄭時皆其門人也

康熙志

蔡瑛字淑輝舒城人歲貢任嘉興府推官明允無冤獄

擢御史巡按江西

康熙志

葉鸞字應和舒城人景泰辛未進士任貴州叅議黔中  
雜苗難治鸞廉靜忠誠按部所至蠻人赴愬者多持金



馬求直盡卻之一斷以法有宣慰剗人賜藩臬諸司莫能糾鸞遣馳諭卽謝罪又宣慰有奪嫡者僉允其請鸞獨不肯署名親老授副使終養

江南通志

鄭時字宗良舒城人景泰辛未進士任監察御史以慝直降內鄉知縣都御史某力薦之超為延平守政績甚著丁父母艱廬墓三年有白兔馴擾之異有司上其事時追止之歲災發困煮粥以活饑者擢撫陝西適大祲賑恤百方授方畧以平礦盜奏設甯羌等處縣治巡司職專守禦萑苻屏息成化末有挾左道得幸者時上疏論之陳利國保民五事直切忤旨謫貴州布政司叅議宏治改元召為左副都御史轉兵部侍郎晉司寇引年

續修廬州府志

卷三十三

宦績傳一

三

致政家無餘資卒贈太子少保賜葬祭時為人端厚簡慤鄉評至今重之

江南通志

鮑德字秉仁舒城人景泰丙子鄉薦知衡山縣調華容治邑九年興學勸農懲奸理冤稱湖湘第一仕至饒州

同知

江南通志

黃鉞舒城人景泰間以舉人知遼州聰明果斷蒞政克勤修學校舉百廢士民思慕不忘祀名宦

縣志

秦民悅字邦約舒城人天順丁丑進士授行人晉工部員外郎裁抑中貴私剋之弊出知廣平府括流移荒地三千五百頃聽民耕種歛租備賑擢江西叅政累陞戶兵二部尚書卒諡莊簡

江南通志



祝峻字具瞻舒城人安貧立學授生徒數百人多顯者  
任金鄉訓導豈弟作人歸田怡老年九十卒

康熙志

陳文偉舒城人正德時知安邱縣時流賊突入縣署掠  
庫金文偉俟其去挾彈乘一騎馳赴之識其爲首者彈  
發中左目又發中右目賊大駭伏地請死偉曰第爲我  
送金還庫當貸汝賊惟命文偉以一騎尾其後抵縣羣  
賊乞死笑曰不足污吾刃悉杖而遣之

山東通志

濮中玉字琢如舒城人萬厯丁未進士知長興縣值歲  
祲力行賑資無遺表節孝與人文省船役官至太僕寺

卿

浙江通志

任遵道號時齋舒城人八歲能屬文以明經任江西餘

續修廬州府志

卷三十三

宦績傳一

三

干學博設臬比於九谿堂院遷浙江黃巖教諭金山衛  
教授屢列薦剡年老乞休祀黃巖名宦祠

縣志

束四箴字去非舒城人明季舉人晚授莊浪知縣恤馬  
戶擒盜魁縣人稱之卒於官

康熙志

黃從善字三渠舒城人汎覽百家所在有聲以明經授  
新會縣佐拂衣歸里士多從問業者

縣志

任民望舒城人以明經選授宿州學博轉太平府教授  
日課士於謝公講堂及昭明書院絃誦不輟爲人孝友  
睦族卒之日里黨莫不流涕

縣志

賈或字煥章舒城人以貢任韶州司李韶山險峻犛獠  
出沒或募民兵搗其穴平之嶺南素無雪是夕大雪三



尺僉謂平寇所致陞南昌別駕疾歸隱崇陞山里人婚葬不給者推分周之人服其義

康熙志

張振鸞舒城人歲貢授歸安丞邑顯宦沈淮家逋糧執其僕笞之趣納如數署武康縣事有誓神殪虎之異

康熙志

任天成字玉仲舒城人崇禎甲戌進士初任大理寺評事恤刑兩浙還朝擢監察御史有治亂關乎用人一疏又參鳳督馬士英擁兵糜餉不報甲申按浙時勢雖不可為猶能整肅一方林居二十餘年手不釋卷子光世舉人能詩文早卒

康熙志

方夢楨字伯瑞舒城人其先歛人崇禎乙卯貢於鄉不

續修廬州府志

卷三十三

宦績傳一

次授工部主事陞員外郎力止北直折漕督徐淮中河

樹隄催運有國爾忘家之獎

康熙志

盧璟字德輝廬江人永樂戊戌進士由庶吉士改御史

立朝方正居家孝友崇祀鄉賢

康熙志

蘇會廬江人本姓汪景泰二年任四川雙流典史以清幹稱善弓馬習番書時番人不靖撫按命渡河宣諭往返者三眾皆悅服天順初擢仁壽知縣有惠政民為立祠以餉邊功陞茂州知州未幾請老

康熙志

王敬字惟瞻廬江人景泰間貢監任大理評事甫視事

即力白三原王恕之冤眾論多之陞本寺副

江南通志

字克昌號又瞻以童子從父南雍能習簪孟舉大書天



順帝召見御前作天下太平四字上覽之喜賜寶鈔羊酒送翰林院讀書時年十二擢中書舍人加太常丞性落落不苟合量移工部主事視蕪湖權郤羨餘數千緡領度支司漕淮上興利革弊多所建明宏治間卒祀鄉賢

康熙志

徐玉字汝德廬江人宏治中歲貢官宣府都司斷事性極鯁介雖貧不渝卒之日無以爲殮士論重之祀鄉賢

康熙志

何瑚字希賜廬江人正德中歲貢質樸明敏初知臨漳縣舉循良擢河南道御史清約不減寒素以執法被中傷歸隱黃屯山中盡謝交游力農種樹口不言貧祀鄉

續修廬州府志

卷三十三

宦績傳一

三

賢

康熙志

宛嘉祥字白湖廬江人嘉靖癸卯舉人判廣信守臨清遷戶部郎踰年知貴州思南府刑清政簡時土寇瞞天大王聚眾萬餘爲州邑害十餘年嘉祥設法招徠諭以恩信寇率僞帥六人歸命朝廷嘉其功令久任無戢餘眾四境帖服民間立碑頌德肖像祀之崇祀鄉賢

江南通志

柳希玘字子敬廬江人嘉靖庚戌進士在郎署每事繩抑勛貴出守廣平治河隄以塞橫流創書院以育英俊實倉儲以賑荒旱後以陝西臬副晉湖廣叅政乞休閉門著述絕跡公庭損產分弟都無私橐祀鄉賢

康熙志

朱來遠字文甫廬江人萬曆丁丑進士初令秀水除雜



差以蘇民禁私販以惠商勸課省刑時稱善治仕至太常少卿引疾歸居鄉孝友敦睦卒祀鄉賢

江南通志

史希賢字士功無爲人幼習吏事洪武初以吏員被薦

赴京授湖廣瀏陽知縣時荆湖新附希賢至披草萊設治所招撫流亡諸公署學舍皆所創立績滿民保留之

後陞廣平知府祀瀏陽名宦

州志

桑昭無爲人洪武十七年由金吾前衛指揮僉事掌南海衛印歷十年愛軍恤民造修公廨營房倉庫展廣土地街道溝渠清潤昌化海口三所皆所創置申呈不立屯田廢東西軍營以地入廣治民到於今稱之

廣東通志

陳大本無爲人洪武中任贛州同知撫民以寬臨吏以

續修廬州府志

卷三十三

宦績傳一

三

莊應務以敏尋陞本府知府吏民熟其政雖公務煩劇

凡所號令不勞而集遷浙江叅政

明統志江南通志

申泰無爲人洪武間以薦起家知延平府入覲會諸守

有以贓敗者傳旨令軍校遍搜各省知府至延平止得

米三升鈔二貫考天下清廉第一荷褒賜致仕歸惟攜

老蒼頭一人步入閭里

江南通志

丁毅字士宏無爲人永樂乙未進士授庶吉士讀書翰

林剛介敢言時近倖有紀綱者勢傾中外眾莫敢忤毅

獨以年少詞臣持正論與之抗綱服其理直竟不能害

年三十餘卒時共惜之從子鏞字元聲正統初以歲薦

入太學授戶部主事督天津等倉糧餉盡絕賂遺者一



繩以法直聲聞於朝陞廣西叅議以寬大得民致仕歸卒年六十七

康熙志

朱昂字廷舉無爲人貢生任應天府判陞工部郎中周文襄忱薦領江南糧儲歷陞福建叅政嘗掌臬司事三日間出濫繫二百餘人年六十引病歸居鄉如未嘗有勢位者地方利害嘗陰白有司人或造謝則杜門不見

壽八十餘

江南通志

徐鑑字明夫無爲人永樂時歲貢入太學焚膏苦讀成祖夜微行聞書聲命左右記之次日召見嘉其有風憲體遂命按湖湘及蒞任糾劾百司藩府震懾按察使吳悅稱其廉明果斷視古之攬轡理輪者不少讓後陞金

續修廬州府志

卷三十三

宦績傳一

三

華知府

州志

仰昇字晉卿無爲人成化乙未進士稟性直介爲兵科給事中以疏議宮掖事忤旨出爲按察使僉事尋轉大

觀察歷陞河南左布政著有我軒詩集

州志

吳璟字定君無爲人天順壬午舉人授內閣中書任河南商城令恪謹廉明興利除弊士民賴之以知州薦不

赴請告歸里

州志

李春字景暘無爲人正統丙辰進士官兵科給事中有直聲天順中轉福建叅議汀盜起春親抵巢穴諭降進江西左叅政撫諸洞反側者悉就馴伏歷兩藩俱著聲

績

江西通志



湯鼎字玉鉉無爲人居祖母喪三年不見齒宣德庚戌進士官吏科給諫交趾侵邊疆廷臣舉鼎爲使鼎往歷陳利害眾懼服不敢動卒歸侵地正統間官通政使卒

於官

康熙志

吳廷翰字崧伯無爲人博敏能文正德辛巳進士歷兵戶二部主事轉吏部文選司補廣東浙江僉事陞山西叅議致仕所至不激不隨撫循建白皆井井可法督學時彈治時貴風裁矯峻人不敢干以私曾被命採端溪硯不持一枚其廉謹多類此晚於城東築室攬煙水之勝著漫錄叢言櫝記志畧考湖山小稿蘇原諸集子國寶進士工部主事詩文亦有聲

康熙志

續修廬州府志

卷三十三

宦績傳一

三

岳倫字天敘萬全都司籍無爲人自少以氣節自負嘉靖丙戌進士授行人歷工部郎名重一時己亥諫南巡被杖奪官

康熙志

王欽字宗堯無爲人正德庚午舉人任山東齊河知縣純篤簡淨不以家累自隨齊人劉應龍稱其德立而度貞化行而惠普爲立碑頌之祀名宦

州志

謝憲字君弼無爲人性孝友尙氣節宗族貧乏者多周之任平湖縣丞民稱其廉平不苛嘉靖間倭寇竊發憲獻策數十不報因告歸子封嘉靖丙辰進士吏部文選

司主事

州志

劉崙字山甫無爲人嘉靖甲辰進士擢御史巡視陝西



請查復金牌舊制修舉茶馬八事回按順天疏陳畿輔  
饑荒疾苦巡撫湖廣會景王之國德安崙營辦有方公  
私不擾楚人頌之

江西通志

傅時勉字幼如無爲人天性醇謹繩趨尺步一言不苟  
以禮經著聲萬厯丁酉舉於鄉兩任宜賓松陽知縣廉  
介自守清苦若布衣時稱爲豈弟君子

州志

朱萬春字寰同無爲人萬厯辛丑進士知上饒遏璫監  
開採之擾省長差拖累之患擢御史劾本兵糾總河論  
首輔請東宮出閣講學按四川奏留帑金充採辦免加  
派賑荒災轉江右道平鄱湖劇賊內陞歷左通政使

江南通志

續修廬州府志

卷三十三

宦績傳一

三

吳光義字行可無爲人萬厯辛丑進士初授仁和令有  
異政與吳江令劉孟胥秀水令朱上愚稱東南三令尋  
擢工部主事理山海關流民亡繻者多不得歸公百計  
周全凡一月得生還者數萬人備兵神木道曲爲邊人  
造命轉四川副使以平奢賊著功歷陞河南巡撫副都  
御史時猶賊初平積案充棟方溽暑篝燈夜判開釋株  
連者不勝計吏畏民安刊有中州奏議若干卷以內艱  
歸士民戴德籲請崇祀名宦祠家居值流寇犯境捐資  
募士以倡守城並疏陳善後諸策闔邑得保無虞起倉  
塲總督轉北兵部侍郎以老疾乞休卒於家蓋歷仕四  
朝清慎如一日也

江南通志

弟光宇字達可任江北屯田道



僉事按察司副使值歲祲民不能耕田多荒蕪捐俸爲備牛種農器民賴以耕告歸好義樂施嘗捐穀千二百石以救荒

州志

劉汝桂號紫芝無爲人萬曆丁未進士授工部主事以越俎言事自劾歸後起原官督修都城省水衡金錢數萬轉都水郎建議每船止插一單空船宜免後知金華府憫糧里僉解之苦改用幕官下戶盡食其福著有葵

州集

康熙志

吳來庭字道原無爲人萬曆丙子舉人任北直隸通州牧修學校建書院疏河渠勸民開墾擢刑部郎中讞大獄楊應龍等多所省釋遷貴陽知府安集苗民爲政不

續修廬州府志

卷三十三

宦績傳一

三

阿權貴時國戚某與土司軍衛勾引劫掠來庭禽捕宣之法政令一肅陞銅仁兵備道

州志

盧泮號龍崖無爲人弱冠魁南闈萬曆庚辰成進士性耿介不畏疆禦司李延平多所平反知廣平府捐俸築閘濬渠百姓頌之陞四川副使平播賊有功以觸忤權貴致政歸地方利病多所調劑州人德之

州志

秦日升字東陽無爲人以歲薦任休甯司訓天啟六年魏璫以黃山案籍沒吳守禮富家多所株連有監生吳姓者坐贓十萬郡守石程萬命吳賂日升三千金俾再坐一人以分其贓升拒不受謁石守曰天下事至此日升雖苜蓿窮儒不願受贖枉法太守感其言懸印梁上



夜坐披緇爲僧去直指使疏薦之乃乞休居林下舉賓  
飲十二次州志

朱芾煌字阿衷無爲人少有異質工詩歌古文詞崇禎  
甲戌成進士筮仕餘姚縣令再知山東樂安縣陞戶部  
主事權關九江尋陞兵部車駕司主事轉武選司郎中  
著有文禧堂集行世州志

張克佳字士奇無爲人幼年作洪水賦有名事母兄以  
孝友著崇禎戊辰成進士司李青州至任卽除一大猾  
時蓮妖煽亂克佳每於雪夜單騎巡警一郡以安引疾  
歸家居數年凡里中事有益於民者輒力請諸當道如  
築鮑魚壩及建關賑米之類康熙志

續修廬州府志

卷三十三

宦績傳一

三

蔡誠巢縣人洪武初知安陽縣時百姓新附田蕪不治  
誠買耕牛給貧民由是地闢民富凡縣廨學校皆誠所  
建一統志河  
南名宦

周璞巢縣人國子生同知全州政暇讀書不輟永樂中  
薦入中秘預修大典書成授吏科給事中糾劾不避權  
勢朝有諫垣得人之慶康熙志

王維字資用巢縣人景泰癸酉舉人仕臨江府通判以  
善政聞康熙志

方欽字寅之巢縣人宏治壬子舉人知福山縣同官俱  
爲流賊所害欽以好官不要錢獨免大璫劉瑾用事當  
道斂諸屬金銀獻媚欽獨無所輸因注下考謫齊河教



諭量移福建按察司經歷致仕卒祀鄉賢子渠康熙志

曹琥字瑞卿巢縣人宏治十八年進士授南京工部主

事改戶部既抗疏救周廣吏部擬調河南通判錢甯欲

遠竄乃改尋甸再遷廣信同知甯王暨鎮守中貴託貢

獻頻有徵歛琥攝府事堅持不予士民德之擢鞏昌知

府未仕卒嘉靖初贈光祿卿明史周廣傳

向明巢縣人宏治間以舉人任趙城知縣禮士愛民遇

婚喪不能自給者捐俸助之卒於官祀名宦山西通志

王輿巢縣人舉人任浙江崇德縣知縣愛民教士修廢

舉墜調四川內江縣以憂去服闋補平原尋被召遷知

廣安州知州修學校平賦稅均徭役明刑獄一時稱善

續修廬州府志 卷三十三 宦績傳一 三

治縣志

回謙巢縣人以監察御史出為慶遠知府有政聲縣志

張馬字行敏巢縣人父寬永樂間以材能薦知湖廣武

昌縣再知山東蒲臺皆有能聲因事謫戍龍門馬正統

丁卯領鄉薦明年成進士授吏部驗封司主事進員外

郎上章陳情願解官贖父罪上憫其孝赦寬還庚辰出

知江西南昌府政令肅然以與上官不合移疾歸侍親

側依依如孺子父沒哀毀過禮遂得疾歎曰吾養親事

畢抑又何求遂却醫藥卒年五十有三縣志

張玘字玉振巢縣人由舉人官江西饒州府同知上遣

內臣於浮梁造御器上官令玘助之以事忤內官被誣



削職攀留者萬餘人

縣志

侯恕字世用巢縣人由貢生任山西澤州知州卒於官家貧不能歸葬吏民助之

縣志

方槩字圓夫巢縣人正德癸酉舉人知平陰縣未幾以耿直忤當道拂衣歸囊無長物郡守資送不受貧窶以終槩性清貞持已特介卽燕會亦不輕赴興至朗吟獨眺盡日乃返

康熙志

曹本字子立巢縣人琥次子也嘉靖庚戌進士知慈谿縣以禦倭功陞戶部主事督理糧儲清各廂車戶船戶諸弊其爲令時獨不屈於趙文華尤克承先德云

康熙志

楊英字世奇巢縣人嘉靖十一年歲貢生官沂州州判

續修廬州府志

卷三十三

宦績傳一

美

陞廣西灌縣知縣廉潔自矢做輿羸馬僕蹇行以從雖婦人孺子亦呼楊清官

縣志

李悅字秉彝巢縣人官濟甯信陽訓導操履純篤諸生式之

縣志

方棟字眞夫巢縣人浙江黃巖訓導推束鹿教諭移項城遇諸生有恩禮歸後諸生立石學宮以誌去思

縣志

張承芳字汝敬巢縣人南昌太守馬曾孫嘉靖庚子舉於鄉歷任靈邱上猷完縣知縣所至有循聲捐俸買學田革稅糧浮額邑人頌之著有澤畔吟草三晉紀行錄隨筆瑣言行於世

縣志

趙彥字士贍巢縣人少穎慧在太學時霍韜器重之官



江西甯州州判有惠政調遼州司李遼王好佚遊憚之  
歸未幾而遼藩構禍縣志

喻彤字文郁巢縣人知深州六年吏民愛之以考滿乞

歸縣志

胡傳字希記巢縣人以貢任星子縣簿勤勞五載浩然  
乞歸有青山笑我久縻祿白髮向人羞折腰之句風格

格可想康熙志

胡槿字廷器巢縣人貢生知山西忻州以平易舉績調  
吉州九載秩滿百姓挽留之康熙志

閻球字肅仲巢縣人萬曆乙酉舉人淡足自好親故待  
以舉火者甚多知武強縣值歲饑詢疾苦議賑貸建學

續修廬州府志 卷三十三 宦績傳一 三

修志士民繪圖以祝康熙志

趙一韓字如勃巢縣人萬曆甲辰進士司李九江時中  
璫收稅恣爲攫取一韓痛繩以法遷南工部視榷蕪關

廉聲比前官葉茂才累晉貴州副使魏璫時能直節自

振江南通志

葉士彥字無美巢縣人貢於庠卽留心民瘼叩閤十六  
議皆興除要務巢人德之赴鄉會試皆監旗焚香以祝  
崇禎丁丑聯捷授刑部主事調兵部職方司出江西僉  
事時湖廣帥左良玉有異志士彥致書曉以大義言足  
下心實無他所以見疑緣兵驕不戢遂累及其主左爲  
心服撤兵後與袁撫不合謫歸家居抗直以疾惡太甚



卒爲羣小所陷

康熙志

王玠字寶之巢縣人貢生知永豐縣民感其德瀕行爲

建亭以誌去思

康熙志

張第字次崖巢縣人司教西安步趨嚴飭文辭莊雅爲

一時後進所宗

康熙志